

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

02. Allaffeqarfimmiit oqaasiinnartigut paasissutissiissutit

Imm. 2.1 Allaffeqarfimmiit oqaasiinnartigut paasissutissiissutit

03. Aningaasaqarnermut tunngasut

Imm. 3.1 Soqanngilaq.

04. Suliassat naloginnaasut

Imm. 4.1 Atugarissaarnermut Ataatsimiititaliap 2026-mi ataatsimiiffissaannut siunnersuutit.

Imm. 4.2 2026-mi Atugarissaarnermut Ataatsimiititaliap suliffeqarfinnut ataatsimeeqategartarnissaannut siunnersuut

05. Sulisoqarnermut tunngasut

Soqanngilaq.

06. Paasissutissiissutit

Imm. 6.1 Qeqqata Kommunia Sisimiut meeqqanut inuusuttuaqqanullu, ulloq unnuarlu angelarsimaffinnut nakkutilliinermini nalunaarutaa 2025.

08. Tamalaat

Imm. 8.1 Tamalaat

Ataatsimiinneq aallartippoq nal. 13:00

Peqataasut:

Siumut

Barnabas Larsen, Kangaamiut

Gideon Lyberth, Maniitsoq, Hans Frederik Olsenimut sinniisoq

Inuit Ataqatigiit

Nivi Heilmann Efraimsen, Siulittaasup tullia, Sisimiut

Naleraq

Steffen Johansen, Sisimiut

Demokraatit

Rachel Ingemann, Sisimiut

Nalunaaruteqarlutik peqataannngitsut:

Hans Frederik Olsen, Siulittaasoq, Sisimiut

Nalunaaruteqaratik peqataannngitsut

Imm. 01 Oqaluuserisassat akuersissutigineri

Aalajangiineq

Akuersissutigineqarpoq.

02. Allaffeqarfimmiit oqaasiinnartigut paasissutissiissutit

Imm. 2.1 Allaffeqarfimmiit oqaasiinnartigut paasissutissiissutit

1. Angerlarsimaffeqanngitsut unnuisarfia
2. Sulisoqarneq
3. Maniitsumi anigaasaqarnermut tunngasumik pikkorissarneq

03. Aningaasaqarnermut tunngasut

Soqanngilaq.

04. Suliassat naloginnaasut

Imm. 4.1 Atugarissaarnermut Ataatsimiititaliap 2026-mi ataatsimiiffissaannut siunnersuutit.

Journalnr. 01.02.03

Tunuliaqutaq

Ataavartumik ataatsimiititaliat allat assigalugit Atugarissaarnermut ataatsimiititaliap ataatsimiiffissani aalajangersartussaavai.

Maleruagassatigut tunngavissat

Kommunit aqunneqarnerat pillugu Inatsisartut inatsisaat nr. 29. 17.november 2017-imeersumi § 27 malillugu "...Ataatsimiititalimi siulittaasup atatsimiititalp ataavartut ataatsimiinissai piareersartassavai, ataatsimigiaqqusissassalluni ataatsimiinnerit siulersortassalugit atatsimiinnernilu aalajangiinerit aalajangergiinernut akisussaaffigalugu." Aammalu Ataatsimiititaliat sulieriaasia malillugu.

Pissutsit atuuttut

Kommunalbestyrelsip Aningaasaqarnermullu Ataatsimiititaliap ataatsimiiffissanik aalajangersaasimanera naapertorlugu Atugarissaarnermut Ataatsimiititaliap ataatsimiiffissaanik allaffeqarfik siunnersuusiopq.

Allaffeqarfiup naliliinera

Allaffeqarfik siunnersuutigivaa piffissat ataani allassimasut januarimiit december 2026 ilangullugu ullut ataatsimiiffiussasut ataatsimiinnerill nal. 13:00 aallartittassasut taamatuttaaq ataatsimiinnerit oqarasuaat/videokonference allatut isumaqatigiissuteqartoqarsimanngippat ingerlanneqartassasut:

Atugarissaarnermut Ataatsimiititaliap 2026	Aningaasaqarnermut Ataatsimiititaliap	Kommunalbestyrelsi
13. januar (marlun)		
10. februar (marlun)	17. februar	26. februar
10. marts (marlun)	17. marts	
14. april (marlun)	21. april	30. april
12. maj (marlun)	19. maj	28. maj
9. juni (marlun)	16. juni	25. juni
11. august (marlun)	18. august	22.-23. august budgetseminar
8. september (marlun)	15. september	24. september
13. oktober (marlun)	20. oktober	29. oktober
10. november (marlun)	17. november	26. november
8. december (marlun)	15. december	

Innersuussut

Allaffeqarfiup qulaani 2026-mi ataatsimiiffissatut siunnersuutigineqartut Atugarissaarnermut Ataatsimiititaliamut innersuussutigissavai akuereqqullugit.

Aalajangiineq

Innersuut akuersissutigineqarpoq.

Ilanngussaq

1. Ullorsiutit

Imm. 4.2 2026-mi Atugarissaarnermut Ataatsimiititaliap suliffeqarfinnut ataatsimeeqateqartarnissaannut siunnersuut

Journalnr. 01.02.03

Tunuliaqutaq

Kommunip suliffeqarfiutaanut pulaartarnissaq pissarsiaqarnarpoq, tamanna ulluinnarni unammillernarsinnaasunut isiginnittaatsimik pitsaannerusumik pilersitseqataasinnaammat. Pissarsiaqarnarsinnaavortaaq Namminersorlutik Oqartussat suliffeqarfiutaanut oqartussaqaqarfinnullu allanut pulaartarnissaq, akunnerminnik eqqartueqatigiilluni aammalu akimortumik suleqatigiinnerup siuarsarneqarnissaa pillugu.

Maleruagassatigut tunngavigisaq

Kommunimi aqutsinermut ileqqoreqqusaq aamma Atugarissaarnermut ataatsimiititaliap suleriaasia.

Allaffeqarfiup naliliinera

Allaffeqarfiup ullut toqqarneqarsimasut suliffeqarfinnut pulaarnissamut siunnersuutigai akunnerni 12:00-imit 13:00-imut.

Allaffeqarfiup siunnersuutigivaa Namminersorlutik Oqartussat suliffeqarfiutai aammalu pisortaqarfiit allat ataatsimeeqatigineqaleraangata ataatsimiinnerit Sisimiuni Maniitsumilu kommunalbestyrelsep ataatsimiittarfiani ataatsimiinnerit ingerlanneqartassasut, taamaasilluni ataatsimiinnerit aamma videokonference atorlugu ingerlanneqarsinnaaniassammata.

Ataatsimiititaliap ataatsimiinnissai 2026	Siunnersuut
13. januar	Ilaqutariinnut kiffartuussivik
10. februar	MTO
10. marts	Kriminalforsorg
14. april	Allorfik
12. maj	Peqqinnissaqarfik
9. juni	Angerlarsimaffeqanngitsut unnuisarfiat
11. august	Majoriaq
8. september	Politi
13. oktober	Qasapermiut & Isikkivik
10. november	Utoqqaat angerlarsimaffiat
8. december	Allaffeqarfik

Innersuussut

Atugarissaarnermut Immikkoortortaqarfik Atugarissaarnermut Ataatsimiititaliamut innersuussutigivaa

- siunnersuutitut saqqummiunneqartut eqqartorneqarlutillu isummerfigineqassasut

Aalajangiineq

Innersuussut akuersissutiigneqarpoq taamaattoorli tullianut ataatsimiinnissamut inguteqqinnissaanut februarimi siunnersuutigaa.

Ilanngussat

Soqanngilaq.

05. Sulisoqarnermut tunngasut

Soqanngilaq.

06. Paasissutissiissutit

Imm. 6.1 Qeqqata Kommunia Sisimiut meeqqanut inuusuttuaqqanullu, ulloq unnuarlu angerlarsimaffinnut nakkutilliinermi nalunaarutaa 2025.

Journalnr. 42.00

Tunuliaqutaq

Qeqqata Kommunia Sisimiut, meeqqaanut inuusuttuaqqanullu 32-it ulloq unnuarlu angerlarsimaffinni 15-iusunimassigiinngitsuni inissisimasuupput imatut agguataaqqallutik:

Ulloq unnuarlu angerlarsimaffik	Kimit ingerlanneqarnera	Illoqarfik	Meeqqat amerlassusaat
Pilutaq	Nam.Oqartussat	Sisimiut	2
Qasapermiut	Nam.Oqartussat	Sisimiut	1
Kaassassuk	Nam.Oqartussat	Nuuk	1
Sarliaq	Nam.Oqartussat	Ilulissat	3
Akilliit	Nam. Oqartussat	Qaqortoq	1
B-1143	Kommune Kujalleq	Qaqortoq	1
IMP	Namminersortoq	Nuuk	2
MIA	Namminersortoq	Nuuk	2
Amarok	Namminersortoq	Nuuk	2
Sikkerneq	Namminersortoq	Nuuk	2
Mælkebøtten/Allu	Namminersortoq	Nuuk	3
Aqisseq	Namminersortoq	Nuuk	4
Orpigaaq	Namminersortoq	Kangerlussuaq	6
Pakkutaq	Namminersortoq	Maniitsoq	1
Itinnera /savaatillit	Namminersortoq	Qassiarsuk	1
Katillugit			32

Meeqqat ulloq unnuarlu angerlarsimaffinnut inissinneqarsimasut Qeqqata Kommunia Sisimiuniit katillugit 32-iupput.

Atugarissaarnermut immikkoortortami meeqqanut ilaqutariinnullu immikkoortortaqarfimmi, inatsisitigut pisussaaffeqarneq tunngavigalugu angerlarsimaffiup avataanut inissinneqarsimasunut, ilaqutaanullu sullissisoq, immikkoortortamilu aqutsisoq nakkutilliipput. Meeqqat atugaat aammalu ulloq unnuarlu angerlarsimaffimmi inissiiviit suleqatigineri, iliuusissatullu pilersaarutit nalilersoqqissallugit.

Maleruagassatigut tunngavissat

Isumaginninnermi suliassa qarfirmi nakkutilliisarneq pillugu Namminersorlutik Oqartussat nalunaarutaat Nr. 49, 31 aggusti 2021.

§9 imm. 1 aamma 2, §10 imm. 1, §11 imm. 1-mi punkt 1, 2, 3, §11 imm. 2 ataani punkt 1, 2, 3 aamma 4. §12 imm. 1, 2, imm. 3 ataani 1, 2, imm. 4, 5, aamma 6. §13 aammalu §14.

Isumaginnitto qarfiup aqunneqarnera aqqissuussaaneralu pillugit Inatsisartut peqqussutaat nr. 11, 12. november 2001-imeersumi § 1, imm 2,

Meeqqat tapersorsorneqarnissaannut Inatsisartut inatsisaat nr 20, 26 juni 2017-imeersumi § 8, imm. 1, 2, 4 aamma 6.

Pissutsit atuuttut

Ukioq 2025 nakkutilliinnermi Nuuk aamma Kangerlussuaq tikiqqarput.

Illoqarfirmi nuna qarfirmilu inissii viit tamarmik inissinneqartunut tunngasumik nakkutilliineq ingerlanneqarluni. Nakkutilliinnermi misissuineq aallartinneqalerma ulloq unnuarlu angerlarsimaffiit orninneqartussat tamarmik email atorlugu nalunaarfigineqarput, ullorlu nakkutilliiffissaq siumoortumik isumaqatigiissutigineqarluni.

Meeqqanut pineqartunut misissuinerit eqikkarneri:

Ulloq unnuarlu angerlarsimaffinni misissuinerup ingerlanerani, meeqqat inuusuttuaqqallu pineqartut ilaannai oqaloqatigineqarput inissii vinni ukunani najugallit: IMP Nuuk inissinneqarsimasut tamarmik oqaloqatigineqarput, Amarok Nuuk inissinneqarsimasut tamarmik oqaloqatigineqarput, Mia Nuuk inissinneqarsimasooq ataaseq oqaloqatigineqarpoq, aappaa Sisimiuniimmat angerlartitsinissamut suliamut tunngatillugu oqaloqatigineqanngilaq, Mælkebøttenimiittut marluk, ataaseq oqaloqatigineqanngilaq, Orpigaq Kangerlussuaq inissinneqarsimasut tamarmik oqaloqatigineqarput. Kaassassuk Nuuk meeraq inissinneqarsimasooq ataaseq oqaloqatigineqanngilaq, Aqisseq Nuuk meeqqat sisamat oqaloqatigineqanngillat. Pilutaq Sisimiut meeraq ataaseq oqaloqatigineqarpoq, ataaseq asimiimmat oqaloqatigineqanngilaq.

Meeqqat ulloq unnuarlu angeerlarsimaffii Nuummiittut Sikkerneq, Mælkebøtten/Allu, Kaassassuk, IMP, Mia, Aqisseq nakkutilliinnermi orninneqarput oqaloqatigineqarlutillu.

Meeqqat ulloq unnuarlu angerlarsimaffiat Orpigaq Kangerlussuarmiittoq nakkutilliinnermi orninneqarpoq.

Meeqqat ulloq unnuarlu angerlarsimaffiat Pilutaq Sisimiuniittoq nakkutilliinnermi orninneqarpoq.

Oqaloqatigiinnermi meeqqat pisariaqartitai aallaavigalugit oqaloqatigiinneq ingerlanneqarpoq.

Meeqqat oqaloqatigineqannginnerini periarfissinneqarput pisariaqartinneqarpat oqaloqateqarnermi peqatigineqarnissaq, tamannali pisariaqartinneqanngilaq meeqqanit oqaloqatigineqartunit.

Nakkutilliinnermi inatsit malinneqartoq aallaavigalugu sapinngisamik meeqqamik oqaloqateqarnerit inissii vinni sulisunit peqataaffigineqannginnissaa tamanit paasilluarneqarpoq malinneqarlunilu.

Angajoqqaatut oqartussaasusillit atugarisaat pillugit annertunerusumik allataqarneq:

Meeqqat inuusuttuaqqallu angerlarsimaffiup avataanut inissinneqarsimasut angajoqqaavi ajoraluartumik Atugarissaarnermut Immikkoortortamut suleqatiginninniartarneri

ajornartorsiutaavoq, angajoqqaarpoq ilaqutariit kiffartuussivianni sullinneqarnissaminut innersuunneqaraluartut tamakkiisumik suleqataannigitsut, angajoqqaarpoq imigassamik

ikiaroomartumik ajornartorsiutillit, taassumalu kingunerisaanik meeqqat inuusuttuaqqallu

angerlarsimaffiup avataanut inissinneqarsimasut angajoqqaaminnut angerlartinneqarnissaannut piareersaataasumik sullinneqanngitsunik, taamasilluni angerlartitsinissamik suliamik

aallartitsiniarneq ajornakusoorsinnaasarluni. Angajoqqaarportaaq piffissap ingerlanerani

kaammattorneqarnikkut ilaqutariit kiffartuussivianni sullinneqarnissaminut piumassusinillutillu suleqataalernikunik taakkuuppullu ilaatigut perorsaanilerinnermi siuarsagassat aammalu

nammineerlutik inuttut ajornartorsiuteqarnikkut ikorfartugassanik siunissaq ungasinnerusooq isigalugu meeqqanik angerlartitsinissamut piareersarneqartunik.

Angajoqqaat amerlasuut ikiaroonartumik imigassamillu atonerluisuupput, angajoqqaatut akisussaaffimmik ineriartortitsinissamut ilaatigut piginnaasaat killeqarlutik imaluunniit siunissami meeqqanik angerlartitsinissamut ilaqutariit kiffartuussivianni sullinneqarnissaminut kajumissuseqanngitsut.

Angajoqqaarpoq Qallunaat Nunaannut nuunnikunik, qatanngutigiinnut marlunnut angajoqqaatut oqartussaassusilik ataaseq, meeqqamut ataatsimut angajoqqaatut oqartussaassusilik ataaseq. Ilanngullugulu oqaatigineqarsinnaalluni angajoqqaarpmat tarnimikkut napparsimasunik imaluunniit ineriartormikkut kingusissunik. Meeqqanut inissinneqarsimasunut pingasunut angajoqqaat, meeqqamut inissinneqarsimasumut ataatsimut angajoqqaat ataaseq.

Ilinniarsimasaq/Suliffik:

Angajoqqaat amerlanerpaat ilinniarsimasuunngillat.

Angajoqqaarpoq siusinaartumik sulisinnaajunnaarnersiutilinnik, meeqqani angerlarsimaffiup avataanut inissinneqarsimasut 32-it akornganni meeqqat 11 minnerpaamik ataatsimik angajoqqaarput siusinaartumik sulisinnaajunnaarnersiutilinnik, angajoqqaat siusinaartumik sulisinnaajunnaarnersiutilit katillugit 6.

Meeqqat ulloq unnuarlu angerlarsimaffiannut inissinneqarsimasuni angajoqqaat ataaseq pisortat ikiorsiissutaannik pisartagaqarpoq.

Meeqqat ulloq unnuarlu angerlarsimaffiannut inissinneqarsimasuni 32-ni angajoqqaatut oqartussaassusillit sinneri aningaasaqarniarnikkut imminnut pilersorput.

Siusinnerusukkut ikiorsiissutit:

Angajoqqaat ataasiakkaat Ilaqutariinnik kiffartuussivimmi inuttut atukkatik pillugit oqaloqateqartarput aammalu ataasiakkaanik angajoqqaarluni angerlartitsinissamik siunertalimmik perorsaanelerineq pillugu Ilaqutariit kiffartuussivianni oqaloqateqartartunik.

Qaqutigoorpoq angajoqqaat imigassamik ikiaroonartumillu atonerluisuunertik pillugu katsorsartittartunik. Imigassamik ikiaroonartumillu atuiutigaluni inuttut inerikkiartornissaannut oqaloqateqartarnissaat innersuunneqarneq ajorpoq, taamaasillutik angajoqqaat atuisuunertik tunngavigalugu angajoqqaatut sullinneqartarnerat unittoortarpoq imaluunniit namminneq unitsitsisarlutik.

Meeqqat avatangiisaanik isumalluutinik naliliineq:

Nakkutilliinermi misissuinerup takutippaa meeqqat inuussuttuaqqallu illoqarfigisamik avataanut, ulloq unnuarlu angerlarsimaffiinnut inissinneqarsimasut, amerlanerpaat qanigisaminnik peqateqartanngitsut aammalu qanigisaminnik peqateqartarnissamut isumalluutissaqanngitsut.

Atuilluartuunikkut kingunerisinnaasai:

Nakkutilliinermi atuilluartuunikkut kingunerissavaa, meeqqat ulloq unnuarlu angerlarsimaffimmut inissinneqarsimasut atugai aammalu siuariaataasa misissuiffiginerini, meeqqat ulloq unnuarlu angerlarsimaffianniit, ilaqutariit paarsisartunut nooriaannangorsimasunik piareersimasoqarnerseq. Meeqqat ulloq unnuarlu angerlarsimaffimmiittut, illoqarfigisaminnut ilaqutariit paarsisartunut inissinneqarsinnaanngorneri qulakkeerneqarsinnaappat kingunerissavaa qanimut ilaqutariit sullinneqarnissamut periarfissaqarnerulernerat aammalu meeqqanik angerlartitsinissamut suliniutip iluatsinniissaanut periarfissaqarnerulerneq.

Nakkutilliinermi atuilluartuunikkut kingunerissavaattaq, meeqqat ulloq unnuarlu angerlarsimaffinnut inissinneqarsimasut sullinneqarneri iliuusissamik pilersaarut malillugu ingerlanneqarnerata qulakkeerneqarnissaa, aammalu meeqqat oqaloqatigineqarneri aallaavigalugit qulakkeerneqassalluni inatsisit atuuttut malillugit sullinneqarnerisa ingerlanneqarnera.

Allaffeqarfinniit naliliineq:

Ulloq unnuarlu angerlarsimaffiit ataatsimut isigalugu, nakkutilliilluni misissuiartormermut

takkunneq piareersimaffigineqarpoq taamaattorli takkunnermi forständerit arlallit peqataanngillat, ataaserlu oqaloqatigiinnerup ingerlanerani ingerlalluni.

Meeqqat ulloq unnuarlu angerlarsimaffinni inissinneqarsimasut amerlanerpaartai qanimut sullissisumit oqaloqatigineqarnissamut piareeqqatinneqanngillat, atuarneq, angerlarsimannginneq imaluunniit sulii sininneq peqqutaalluni.

Inissiiivinni orninneqartuni forständerit tallimat piareersimalluinnarput, inissiiivinnili orninneqartuni inissiiviit pingasuinnaat meeqqat oqaloqatigineqarnissaanut piareersimatitsillutik.

Maluginiarneqarpoq meeqqat ulloq unnuarlu angerlarsimaffii namminneq aqqissugaanertik malillugu meeqqanik sullissisarneq ileqqorigaat, meeqqat iliuusissatut pilersaaruteqaraluartut, arlalinnik inissiiiveqarpoq, meeqqap iliuusissatut pilersaarutaa malillugu katsorsarnissamut pilersaarusiortarneq ukiumut ataasiarluni suliarineqartussaq ataavartumik ingerlatsinngitsunik aammalu killiffinnut nalunaarutit ukiumut marloriarluni suliarineqartussaq amerlasuunik malinneqanngitsoq. Atugarissaarnermut Immikkoortortap akisussaaffigaa meeqqat iliuusissamik pilersaarutaat malillugit meeqqat sullinneqarnersut aammalu sullinneqarnerata ingerlanerisa killiffii. Meeqqat atugarisaat assigiinngitsuusut maluginiarneqarput nakkutilliinerup ingerlanneqarnerani tamanna meeqqat ulloq unnuarlu angerlarsimaffiisa aqqissugaanerisa assigiinngitsuuneranik tunngaveqarpoq. Inissiiviit ilaasa meerartatik paaqqutarilluarpaat qanimullu angajoqqaanik suleqateqarneq ingerlanneqarluni, inissiiiviilli amerlapput qanimut angajoqqaanik suleqateqanngitsunik aammalu killiffiini malinnaatitsinngitsunik.

Ulloq unnuarlu meeqqat angerlarsimaffii ataatsimut isigalugu amerlanertigut suleqatikkuminarput pisariaqarporli iliuusissanut pilersaarutit malinneqarneri qulakkeerneqartarnissaa, katsorsaanissamut pilersaarutit, killiffinnut nalunaarutit sukannernerusumik malinneqarnissaat sullissisumiit qulakkeerneqartariaqarpoq, taakkunungalu atatillugu immersuivissaq socialstyrelsepe nittartagaaniittoq atorneqartarnissaat aamma pisariaqarluni. Nalilersuisarnikkut meeqqap inissivimavia aammalu angajoqqaat inissisimaviat aallavigalugit inerisaaneq pitsaanerusumik ingerlanneqarpat, meeqqat angerlartinniarneqarnissaanut erseqqinnerusumik takussutissaqartoqarnissaa anguneqarsinnaammat.

Ulloq unnuarlu meeqqat angerlarsimaffiisa angajoqqaanik qanimut suleqateqarniartarnerat aammalu malinnaatitsinerat unamminartut ilagaat, angajoqqaanullu isiginnittariaaseq qaammarsarneqarnissaa pisariaqarluinnarluni.

Meeqqat ulloq unnuarlu angerlarsimaffiini sullissisut inissiiinnermut tunngavisoq ilisimaareqqissaartariaqarpat aammalu iliuusissamik pilersaarummi anguniarneqartut angutserlugit perorsaanikkut sukumiinnerusumik sullissineq ingerlanneqartariaqarluni.

Meeqqat ulloq unnuarlu angerlarsimaffii namminersortunik ingerlanneqartunik naliliineq: Sikkerneq: Meeqqat marluk Sikkernermut inissinneqarnikuupput taakkunani tamarmik katsorsaanissamut pilersaarut ukiumut ataasiarluni suliarineqartartussaq suliarineqarnikuunngillat, meeqqat Sikkernermut inissinneqarnikut marluusut aappaa 2020-mi inissinneqarpoq aappaalu 2021-mi inissinneqarluni.

Mælkebøtten/ Allu:

Meeqqat pingasut inissinneqarnikuupput, meeqqat marluk ukioq manna nutartikkamik katsorsaanissamut pilersaaruteqarput, meeqqamut ataatsimut katsorsaanissamut pilersaarut nutarterneqanngilaq februar 2025-mullu killeqarluni. Meeqqat pingasut inissinneqarsimasut tamarmik nutartikkamik killiffimmik nalunaarusiunneqarsimapput ataasiarlutik, ukiumut marluusartussat.

Amarok: Meeqqani inissinneqarsimasuni ataaseq inissiivimmiit katsorsaanissamut pilersaarusiunneqarsimavoq ukioq 2024-mi, aappaali katsorsaanissamut pilersaarusiunneqarsimanani. Meeqqani inissinneqarsimasuni ataaseq killiffimmik nalunaarusiunneqarsimavoq ataaserlu soqarani.

IMP: Meeqqani inissitaasuni marluusuni meeqqat tamarmik inissiivimmiit katsorsaanissamut pilersaarusiunneqarnikuupput, tamarmillu ukioq manna killiffinnut nalunaarusiunneqarlutik.

MIA: Meeqqani inissitaasuni marluusuni meeqqat tamarmik inissiivimmiit katsorsaanissamut pilersaarusiunneqarnikuupput, meeqqani marluusuni meeraq ataaseq ukioq 2025-mi killifinnut nalunaarusiunneqarsimavoq, meerarluk ataaseq ukioq 2025-mi killifinnut nalunaarusiunneqarsimalluni ataasiarluni.

Aqisseq: Meeqqani inissinneqarsimasuni sisamaasuni meeqqat tamarmik inissiivimmi katsorsaanissamut pilersaarusiunneqanngillat, meeqqanilu sisamaasuni meeqqat marluk ukioq 2025-mi killifinnut nalunaarusiunneqarlutik.

Orpigaq: Meeqqani inissinneqarsimasuni arfiniliusuni ukioq 2025-mi inissiivimmiit meeqqat pingasut katsorsaanissamut pilersaarusiunneqarsimapput. Meeqqani arfiniliusuni marluk ukioq 2025-mi marloriarlutik killifinnut nalunaarusiunneqarsimapput, meeqqat pingasut ataasiarlutik killifinnut nalunaarusiunneqarsimapput, meeqqamut ataatsimut killifinnut nalunaarusiortoqarsimanani.

Pakkutaq: Meeraq ataaseq pakkutamut inissinneqarsimasoq inissiivimmiit katsorsaanissamut pilersaaruteqartoqanngilaq aammalu killifinnut nalunaaruteqartoqartarani.

Ulloq unnuarlu inissiiviit Naalakkersuisoqarfimmiit ingerlanneqartut:

Kaassassuk: Meeraq ataaseq Kaassassummi inissinneqarsimasoq ukioq 2025-mi inissiivimmiit katsorsaanissamut pilersaarusiunneqanngilaq, ataasiaannarlunilu killifinnut nalunaarusiunneqarluni.

Pilutaq: Meeqqani inissinneqarsimasuni marluusuni meeqqat marluk inissiivimmiit katsorsaanissamut pilersaarusiunneqanngillat, meerarluk ataaseq ataasiarluni killifinnut nalunaarusiunneqarluni.

Qasapermiut: Meeraq ataaseq inissinneqarsimasoq inissiivimmiit katsorsaanissamut pilersaarusiunneqanngilaq, killifinnullu nalunaarusiunneqarani.

Sarliaq: Meeqqani inissinneqarsimasuni pingasuusuni meeraq ataaseq inissiivimmiit katsorsaanissamut pilersaarusiunneqarsimavoq. Meeqqani pingasuusuni meeqqat marluk ukioq 2025-mi marloriarlutik killifinnut nalunaarusiunneqarsimapput, meerarluk ataaseq ukioq 2025-mi ataasiarluni killifinnut nalunaarusiunneqarsimalluni.

Akilliit: Meeraq ataaseq inissinneqarsimasoq ukioq 2025-mi inissiivimmiit katsorsaanissamut pilersaarusiunneqanngilaq, ukioq 2025-milu marloriarluni killifinnut nalunaarusiunneqarluni.

Inissiiviit kommunimit ingerlanneqartut:

B-1443 Qaqortoq: Meeraq ataaseq inissinneqarsimasoq sulit atuuttumik katsorsaanissamut pilersaaruteqarpoq December qaammat nutartigassamik, ukioq 2025-mi marloriarluni killifinnut nalunaarusiunneqarsimavoq.

Inissiiviit tamarmik immikkuullarissuseqarput, pitsaassutsimullu tunngatillugu namminersortunit ingerlanneqartut, naalakkersuisoqarfimmiillu aammalu kommuniniit ingerlanneqartut ataatsimoorussamik nalileruminaapput.

Inissiivinniillu katsorsaanissamut pilersaarusiortarnerit aammalu killifinnik nalunaarusiortarnerit takussutissiipput meeqqap sullinneqarneranut pilersaaruteqartoqartarnerani, meeraq killiffiani malinnaavigineqartoq aammalu iliuusissamut pilersaarut sullissinermi malinneqartoq.

Iliuusissatut pilersaarut malillugu, inissiivimmiit katsorsaanissamut pilersaarusiortoqartarnera aammalu kingorna killifinnut nalunaarusiortoqartarnera aallaavigalugu iliuusissatut pilersaarut, meeraq, angajoqqaatut oqartussaassusillit aammalu inissiivik suleqatigalugit nutarsarneqartarput, inissiivinniillu nalunaarusiortoqartannginnera ilaatigut suleriusaannut apeqquusiinarsinnaavoq takussutissaqanngimmat ulluinnarni qanoq sullinneqarneris aammalu ineriartormigut sumut killinnersoq.

Innersuussut

Atugarissaarnermut Immikkoortortaqarfik Sisimiut innersuussutigivaa:

1. Meeqqanik inuusuttuaqqanillu angerlarsimaffiup avataanut inissinneqarsimasunit, inummut tunngasumik nakkutilliinerup, ingerlanneqarsimaneranik saqqummiunneqarnera tusaatissatut tiguneqassasoq.

Aalajangiineq

Innersuussut tusaatissatut tiguneqarpoq.

Ilanngussaq

1. Inummut tunngasumik nakkutilliinermi meeqqat oqaloqateqarneranni immersukkat.

08. Tamalaat

Imm. 8.1 Tamalaat

Rachel Ingemann apeqquteqarpoq Utoqqaat angerlarsimaffimmi weekend-imi ullaakkorsortarneq kingusigalugu Utoqqarnut inuit innarluutillillu immikkoortortami pisortaanermut tullersorti akissueqarpoq.

Pisortaaneq oqaaseqarpoq kanganiit sulisunik tikisitsinissaq suliaq allaffissornikkut ingerlanneqarput.